

IV

Izveštaj o izvršenju Budžeta Općine Centar Sarajevo za 2015. godinu objavit će se u "Službenim novinama Kantona Sarajevo".

Broj 01-14-1786/16
28. aprila 2016. godine
Sarajevo

Predsjedavajući po/OV
Broj 01-49-1137/14
Dr. Nedžad Ajnadžić, s. r.

OPĆINA NOVO SARAJEVO

Općinsko vijeće

Na osnovu člana 13. Zakona o principima lokalne samouprave u Federaciji BiH ("Službene novine Federacije BiH", broj 49/06 i 51/09), člana 19. stav 1. alineja 18. Statuta Općine Novo Sarajevo ("Službene novine Kantona Sarajevo", broj 35/10), člana 9. Odluke o utvrđivanju javnih priznanja Općine Novo Sarajevo ("Službene novine Kantona Sarajevo", broj 49/15) i člana 6. Pravilnika o kriterijima za dodjelu Javnih priznanja Općine Novo Sarajevo ("Službene novine Kantona Sarajevo", broj 49/15), Općinsko vijeće Novo Sarajevo, na 40. sjednici održanoj 28.04.2016. godine, donijelo je

ODLUKU

O DODJELI JAVNIH PRIZNANJA OPĆINE NOVO SARAJEVO ZA 2015. GODINU

Član 1.

Javna priznanja Općine Novo Sarajevo dodjeljuju se na Dan Općine - 16. maja, pojedincima i kolektivima sa područja Općine Novo Sarajevo, za izuzetne rezultate postignute u svim oblastima privrede i društvenih djelatnosti.

U Općini Novo Sarajevo za prethodnu, 2015. godinu, dodjeljuju se: jedna (1) Zlatna i jedna (1) Srebrna plaketa i sedam (7) Zahvalnica.

Član 2.

Javna priznanja dodjeljuju se:

A. Zlatna plaketa Općine Novo Sarajevo

Pojedinačna

1. **Adnan Pribišić - Sarajevo**, za postignute izuzetne rezultate u oblasti sporta i afirmaciji općine Novo Sarajevo i države Bosne i Hercegovine.

B. Srebrna plaketa Općine Novo Sarajevo

Pojedinačna

2. **Sani Čampara - Sarajevo**, za postignute značajne rezultate u oblasti sporta i afirmaciji općine Novo Sarajevo i države Bosne i Hercegovine.

C. Zahvalnica

1. **Hor "Cadenca" - Alma Karić**, za postignute značajne rezultate u oblasti kulture.

2. **Pojekat FK "Željezničar"**, za postignute značajne rezultate u razvoju i promociji društvene odgovornosti radom sa mladima u osnovnim školama.

3. **Ena Smajić - Sarajevo**, za postignute značajne rezultate u ritmičkoj gimnastici na međunarodnoj sceni.

4. **Kerim Fejzić - Sarajevo**, za postignute značajne rezultate u oblasti sporta i afirmaciji općine Novo Sarajevo.

5. **Christine Witcutt** iz Edinburga-posthumno, za postignute značajne rezultate na polju humanitarnog rada, obrazovanja i rehabilitacije djece i omladine sa umjerenim i težim intelektualnim teškoćama.

6. **UG "Pomozi.ba"**, za postignute značajne rezultate na razvoju i promociji humanitarnog rada i volonterizma.

7. **Općinska organizacija "Crveni križ" Novo Sarajevo**, za postignute značajne rezultate na promociji

humanitarnog i volonterskog angažmana i pružanju pomoći stanovništvu općine Novo Sarajevo.

Član 3.

Odluku o dodjeli javnih priznanja Općine Novo Sarajevo za 2015. godinu, objavljuje predsjedavajući Općinskog vijeća Novo Sarajevo, na Svečanoj sjednici Vijeća.

Član 4.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-379/16
28. aprila 2016. godine
Sarajevo

Predsjedavajući
Općinskog vijeća
Novo Sarajevo
Dr. Igor Gavrić, s. r.

Na osnovu člana 13. Zakona o principima lokalne samouprave u Federaciji BiH ("Službene novine Federacije BiH", broj 49/06 i 51/09), člana 45., a u vezi sa članom 27. i 28. Zakona o pravobranilaštvu - Prečišćeni tekst ("Službene novine Kantona Sarajevo", broj 33/08 i 7/12), člana 15. Odluke o Pravobranilaštvu Općine Novo Sarajevo - Prečišćeni tekst ("Službene novine Kantona Sarajevo", broj 9/03), člana 19. stav 1. alineja 22. i 141. Statuta Općine Novo Sarajevo ("Službene novine Kantona Sarajevo", broj 35/10) i člana 118. Poslovnika Općinskog vijeća Novo Sarajevo - Prečišćeni tekst ("Službene novine Kantona Sarajevo", broj 37/13), Općinsko vijeće Novo Sarajevo, na 40. sjednici, održanoj dana 28.04.2016. godine, donijelo je

ODLUKU

O SMJENI OD VRŠENJA SLUŽBE ZAMJENIKA
PRAVOBRANIOCA U PRAVOBRANIŠTVU
OPĆINE NOVO SARAJEVO

Član 1.

Borogovac Emira - smjenjuje se od vršenja službe zamjenika pravobranioca u Pravobranilaštvu Općine Novo Sarajevo, zbog odlaska u invalidsku penziju.

Član 2.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-380/2016
28. aprila 2016. godine
Sarajevo

Predsjedavajući
Općinskog vijeća
Novo Sarajevo
Dr. Igor Gavrić, s. r.

Na osnovu člana 44. stav (4) Zakona o prostornom uređenju ("Službene novine Kantona Sarajevo", broj 7/05) i čl. 13. i 19. Statuta Općine Novo Sarajevo ("Službene novine Kantona Sarajevo", broj 35/10), Općinsko vijeće Novo Sarajevo, na 40. sjednici održanoj dana 28.04.2016. godine, donijelo je

ODLUKU

O IZMJENAMA I DOPUNAMA ODLUKE O
USVAJANJU URBANISTIČKOG PROJEKTA
"GRBAVIČKA"

Član 1.

Usvajaju se izmjene i dopune Urbanističkog projekta "Grbavička" - po skraćenom postupku (u daljem tekstu: Plan).

Član 2.

1. Plan se sastoji od tekstualnog i grafičkog dijela.
2. Tekstualni dio sadrži:
 - a) Postojeće stanje i projekciju izgradnje i uređenja prostorne cjeline sa namjenom površina i urbanističko-tehničkim uvjetima za izgradnju u okviru Plana.
 - b) Odluka o provođenju izmjena i dopuna Urbanističkog projekta "Grbavička"
 - c) Tehnički opis
3. Grafički dio sadrži:
 - a) Grafički prilozi urbanizam:
 - (a) Izvod iz prostornog plana Kantona Sarajevo za urbano područje Sarajevo 1:1000
 - (b) Ažurna geodetska podloga 1:500
 - (c) Izvod iz studije stabilnosti Kantona Sarajevo 1:1500
 - (d) Postojeće stanje. 1:500
 - (e) Karta rušenja 1:500
 - (f) Namjena površina 1:500
 - (g) Izmjene i dopune Koncepta prostorne organizacije. 1:500
 - (h) Izmjene i dopune Osnove partera 1:500
 - (i) Izmjene i dopune Mreže građevinskih i regulacionih linija 1:500
 - b) Grafički prilozi arhitektura:
 - (a) Izmjene i dopune Situacije 1:500
 - (b) Izmjene i dopune Osnove partera 1:500
 - (c) Izmjene i dopune Karakteristične etaže 1:200
 - (d) Izmjene i dopune Prizemlja 1:200
 - (e) Izmjene i dopune Etaže -1. 1:200
 - (f) Izmjene i dopune Etaže -2
 - (g) Izmjene i dopune Presjeka A-A 1:200
 - (h) Izmjene i dopune Presjeka B-B 1:200
 - (i) Izmjene i dopune sjevero-zapadne i jugo-zapadne Fasade 1:200
 - (j) Izmjene i dopune jugo-istočne i sjevero-istočne Fasade 1:200
 - (k) 3D prikaz 1:200
 - (l) 3D prikaz 1:200
 - c) Izmjene i dopune Idejnog rješenja Saobraćaja,
 - d) Izmjene i dopune Idejnog rješenja Hortikulture,
 - e) Izmjene i dopune idejnog rješenja Snabdijevanja vodom i odvodnje otpadnih i oborinskih voda
 - f) Izmjene i dopune Idejnog rješenja Toplikacije-gasifikacije
 - g) Izmjene i dopune Idejnog rješenja Elektroenergetike i javne rasvjete
 - h) Izmjene i dopune Idejnog rješenja TK mreže
 - i) Analitička obrada građevinskih parcela

Član 3.

Po jedan primjerak usvojenog dokumenta nalazi se na stalnom javnom uvidu i čuva se u Službi za oblast prostornog uređenja i urbanizma Općine Novo Sarajevo i Zavodu za planiranje razvoja Kantona Sarajevo.

Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-23-1002/1
28. aprila 2016. godine
Sarajevo

Predsjedavajući
Općinskog vijeća
Novo Sarajevo
Dr. Igor Gavrić, s. r.

Na osnovu člana 47. Zakona o prostornom uređenju ("Službene novine Kantona Sarajevo", broj 7/05), čl. 13. i 19. Statuta Općine Novo Sarajevo ("Službene novine Kantona Sarajevo", broj 35/10), Općinsko vijeće Novo Sarajevo, na 40. sjednici održanoj dana 28.04.2016. godine, donijelo je

ODLUKU

**O IZMJENAMA I DOPUNAMA ODLUKE O
PROVOĐENJU URBANISTIČKOG PROJEKTA
"GRBAVIČKA"**

DIO PRVI - UVOD

Član 1.

Ovom Odlukom utvrđuje se provođenje izmjena i dopuna Urbanističkog projekta "Grbavička" (u daljem tekstu: Plan), a naročito: granice prostorne cjeline, urbanističko-tehnički uslovi za izgradnju građevina, uslovi za izgradnju objekata i uređenje građevinskog zemljišta, uređenje zelenih i slobodnih površina, te odnosi prema postojećim objektima kao i djelatnosti i uslovi pod kojima se pojedine djelatnosti mogu obavljati u planiranom prostoru.

**DIO TREĆI - URBANISTIČKO-TEHNIČKI USLOVI ZA
IZGRADNJU GRAĐEVINA**

Član 2.

U članu 5. iza alineje 5. dodaje se nova alineja 6. koja glasi:
"Zadržava se postojeća instalacija gasa visokog pritiska 8(14,5) (bar) prečnika Ø323,9 (mm), i postojeći potisni cjevovod VČ Ø 700 mm."

DIO ČETVRTI - ZAVRŠNE ODREDBE

Član 3.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-23-1003/16
28. aprila 2016. godine
Sarajevo

Predsjedavajući
Općinskog vijeća
Novo Sarajevo
Dr. Igor Gavrić, s. r.

Na osnovu člana 27. Zakona o privremenom korišćenju javnih površina na području Kantona Sarajevo ("Službene novine Kantona Sarajevo", broj 20/04, 26/12, 32/12 i 24/15), člana 19. Statuta Općine Novo Sarajevo ("Službene novine Kantona Sarajevo", broj 35/10), Općinsko vijeće Novo Sarajevo, na 40. sjednici održanoj dana 28.04.2016. godine, donijelo je

ODLUKU

**O IZMJENAMA I DOPUNAMA ODLUKE O
PROVOĐENJU MJERA RADI EFIKASNIJE NAPLATE
NAKNADA ZA PRIVREMENO KORIŠTENJE JAVNIH
POVRŠINA NA PODRUČJU OPĆINE NOVO SARAJEVO**

Član 1.

Mijenja se naziv Odluke o provođenju mjera radi efikasnije naplate naknada za privremeno korištenje javnih površina na području Općine Novo Sarajevo ("Službene novine Kantona Sarajevo", broj 11/16), tako da umjesto "Odluka o provođenju mjera radi efikasnije naplate naknada za privremeno korištenje javnih površina na području Općine Novo Sarajevo", novi naziv glasi:

"Odluka o naplati naknada za privremeno korištenje javnih površina na kojima se nalaze objekti privremenog karaktera"

Član 2.

U članu 1. stav 1. Odluke o provođenju mjera radi efikasnije naplate naknada za privremeno korištenje javnih površina na području Općine Novo Sarajevo ("Službene novine Kantona Sarajevo", broj 11/16), iza riječi "i ostale građevine privremenog karaktera sa ili bez odobrenja za gradnju", dodaje se zarez i sljedeći tekst: **"a u skladu sa Planom korištenja javnih površina na području Općine Novo Sarajevo za tekuću godinu (u daljem tekstu: Odluka)"**.